



جدوال قمبراچان خطبه جمعة

Siri 11/ 2022

(Bulan November Tahun 2022)

تاریخ	تاجوق	ب
4.11.2022M/ 9 Rabi'ulakhir 1444H	گرهان: فریغتن دان منیفیستاسی کبسر ن الهی	1.
11.11.2022M/ 16 Rabi'ulakhir 1444H	سوامی براخلاق، سوامی ایدامن	2.
18.11.2022M/ 23 Rabi'ulakhir 1444H	نصیحت دري منبر	3.
25.11.2022M/ 30 Rabi'ulakhir 1444H	فقیر تافی سومبوغ، اکوکه ایت؟	4.
خطبه کدوا		

فرچیتقن دبیاای:ی:



تلیفون :

04-5498088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang

- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang

- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia

- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)

- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia

- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS

- 7. Ustaz Subki bin Mohamed**
Pensyarah, IPG Kampus Tuanku Bainun

- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Suami Berakhlak, Suami Idaman

(11 November 2022M / 16 Rabi'ulakhir 1444H)

الْحَمْدُ لِلَّهِ الَّذِي جَعَلَ الزَّوْجَ سُنَّةَ حَسَنَةٍ وَقُدْوَةَ حَمِيدَةٍ وَلَمَنْ يَتَفَكَّرْ وَيَتَدَبَّرْ حِكْمَ كَثِيرَةٍ،
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ إِقْرَارًا بِرُبُوبِيَّتِهِ وَإِزْغَامًا لِمَنْ جَحَدَ بِهِ وَكَفَرَ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ سَيِّدُ الْجِنِّ وَالْبَشَرِ.
صَلَّى اللَّهُ وَسَلَّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الْحِسْرِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ،
فَقَدْ فَازَ الْمُتَّقُونَ.

SIDANG JUMAAT YANG BERBAHAGIA,

Khatib ingin mengajak sidang jemaah sekalian agar sentiasa bertakwa pada Allah dengan sebenar-benar takwa dengan melaksanakan segala perintah-Nya dan meninggalkan segala larangan-Nya. Semoga beroleh kebahagiaan di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab yang boleh mengurangkan pahala, iaitu tindakan yang memesongkan perhatian daripada mendengar khutbah dan isi kandungan-Nya. Ini termasuklah perbuatan berbual-bual, tidur dengan sengaja, bermain telefon bimbit dan menggerakkan tabung kutipan semasa khatib sedang berkhotbah. Bagi melengkapinya kewajipan solat jumaat hari ini, marilah kita menghayati bicara mimbar yang bertajuk: **“Suami Berakhlak, Suami Idaman.”**

SIDANG JUMAAT YANG DIRAHMATI ALLAH SEKALIAN,



خطبة كدوا بولن نوفمبر 1444H

Pernikahan adalah ibadah yang sangat dianjurkan Islam. Menjadi idaman setiap pasangan yang telah dinikahkan untuk menjalani kehidupan bahagia sehingga ke syurga.

Allah **سُبْحَانَهُ وَتَعَالَى** mencipta lelaki dan perempuan antara keduanya ada unsur-unsur persamaan dan juga perbezaannya. Persamaan dan perbezaan itu menjadikan kedua-duanya berkehendak antara satu sama lain yang merupakan fitrah kejadian manusia. Justeru, pasangan suami-isteri harus saling percaya-mempercayai, lengkap melengkapi dan berkasih sayang. Firman Allah **سُبْحَانَهُ وَتَعَالَى** dalam surah Ar-Rum ayat 21:

وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ
مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ ﴿٢١﴾

Maksudnya: “Dan di antara tanda-tanda yang membuktikan kekuasaan-Nya dan rahmat-Nya, bahawa Ia menciptakan untuk kamu (wahai kaum lelaki), isteri-isteri dari jenis kamu sendiri, supaya kamu bersenang hati dan hidup mesra dengannya, dan dijadikannya di antara kamu suami isteri perasaan kasih sayang dan belas kasihan. Sesungguhnya yang demikian itu mengandungi keterangan-keterangan (yang menimbulkan kesedaran) bagi orang-orang yang berfikir.”

Ketenangan bermula dari keluarga, maka ia akan membawa kepada ketenangan dan hubungan yang baik di dalam masyarakat. Apabila kita merasa tenang, maka perhubungan kita dengan orang lain seperti jiran, rakan sekerja, dan orang-orang yang kita temui di jalanan pun menjadi baik. Maka amanlah masyarakat. Apabila tenangnya masyarakat, ia akan membawa pada tenangnya negara tanpa huru-hara. Sebaliknya, jika rumahtangga sudah menjadi kacau bilau dan tiada ketenangan, maka akan berlaku sebaliknya.

HADIRIN SIDANG JEMAAH YANG DIRAHMATI ALLAH SEKALIAN,



Sepanjang pandemik Covid-19, permohonan cerai membabitkan pasangan Islam difailkan di Mahkamah Syariah seluruh negara sejak Mac 2020 hingga Ogos 2021 adalah sebanyak 66,440 permohonan. Negeri Selangor mencatatkan daftar permohonan cerai tertinggi dengan 12,479 kes manakala Pulau Pinang pula mencatatkan 2,978 kes dan selebihnya negeri-negeri lain.

Perlakuan curang berlaku sama ada di sebelah pihak suami, isteri atau keduanya sekali. Kegagalan suami isteri menyesuaikan diri dengan pasangan, faktor ekonomi termasuklah tidak bekerja, kurang komunikasi, gangguan oleh pihak ketiga antara punca berlakunya masalah ini. Kelemahan iman dan akhlak serta gagal mentaati perintah Allah dan menjauhi larangan-Nya adalah punca terbesar.

Seorang suami yang soleh sewajarnya segera berusaha mengatasi setiap kelemahan yang berlaku dalam rumah tangga. Misalnya seorang juruterbang yang diberhentikan kerja ketika pandemik sanggup menjual nasi lemak di tepi jalan demi kelangsungan hidup. Inilah contoh suami bertanggungjawab yang diidamkan. Orang yang rajin mencari jalan, orang yang malas mencari alasan.

SIDANG JUMAAT YANG BERBAHAGIA,

Di kesempatan ini khatib ingin mengajak hadirin supaya ingat pesanan Allah yang termaktub di dalam surah At-Tahrim ayat 6:

يَا أَيُّهَا الَّذِينَ ءَامَنُوا قُوا أَنفُسَكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ عَلَيْهَا مَلَائِكَةٌ
غِلَاطٌ شِدَادٌ لَا يَعْصُونَ اللَّهَ مَا أَمَرَهُمْ وَيَفْعَلُونَ مَا يُؤْمَرُونَ ﴿٦﴾

Maksudnya: *“Wahai orang-orang yang beriman! Peliharalah diri kamu dan keluarga kamu dari neraka yang bahan-bahan bakarnya: manusia dan batu (berhala); neraka itu dijaga dan dikawal oleh malaikat-malaikat yang keras kasar (layanannya); mereka tidak menderhaka kepada Allah dalam segala yang diperintahkan-Nya kepada mereka, dan mereka pula tetap melakukan segala yang diperintahkan.”*



SIDANG HADIRIN YANG DISAYANGI ALLAH,

Suami adalah ketua keluarga yang bertanggungjawab untuk memimpin isteri dan anak-anak menuju syurga Allah. Ketua yang dihormati ialah ketua yang menunjukkan teladan yang baik. Dalam kesibukkan mencari rezeki, ada segelintir suami tidak mempedulikan isterinya, tidak pernah ambil kisah sama ada isterinya solat atau tidak, dan tidak pernah mendidik isterinya tentang agama. Hal ini menjadikan rumah tangga yang dibina semakin suram.

Di tangan suami atau isteri tidak lekang telefon bimbit masing-masing. Entah apa yang dibualkan sedangkan pasangan ada di sebelah. Jika berlaku sebegini, suamilah orang pertama yang perlu berubah dan ia perlu dilakukan dengan penuh hikmah. Maka santunilah isteri dengan sifat sabar dan pemaaf. Jangan terburu-buru dalam membuat sesuatu keputusan. Dengan berbekalkan sifat sabar dan memberi maaf pada isteri, segala masalah dapat diselesaikan dengan baik. Firman Allah *سُبْحَانَهُ وَتَعَالَى* dalam surah An-Nisa ayat 19:

... وَعَاشِرُوهُنَّ بِالْمَعْرُوفِ فَإِنْ كَرِهْتُمُوهُنَّ فَعَسَى أَنْ تَكْرَهُوا شَيْئًا وَيَجْعَلَ اللَّهُ فِيهِ

خَيْرًا كَثِيرًا ﴿١٩﴾

Maksudnya: “.....Bergaullah kamu dengan isteri kamu itu dengan cara yang baik. Kemudian jika kamu rasa benci kepada mereka (disebabkan tingkah lakunya, janganlah kamu terburu-buru menceraikannya), kerana boleh jadi kamu bencikan sesuatu, sedang Allah hendak menjadikan pada apa yang kamu benci itu kebaikan yang banyak untuk kamu.”

Seorang isteri memiliki kelebihan dan kekurangan. Janganlah disebabkan sedikit kekurangannya, menenggelamkan kesemua kebaikannya. Isteri akan rasa bahagia apabila suami sentiasa wujudkan suasana berkasih sayang, jujur dalam perkataan dan perbuatan, berakhlak mulia juga prihatin terhadap perkembangan



anak-anak. Jika ada kekurangan, cubalah sempurnakan kekurangan itu dengan saling bekerjasama dan toleransi dalam hubungan rumah tangga. Moga keluarga yang dibina sentiasa diberkati Allah seperti sabda Rasul صَلَّى اللهُ عَلَيْهِ وَسَلَّمَ:

خَيْرُكُمْ خَيْرُكُمْ لِأَهْلِهِ وَأَنَا خَيْرُكُمْ لِأَهْلِي

Maksudnya: *“Sebaik-baik kamu adalah yang paling baik terhadap ahli keluarganya, dan aku adalah orang yang paling baik terhadap ahli keluargaku.”*

(Hadis Riwayat At Tirmizi dan Ibnu Majah)

HADIRIN SIDANG JEMAAH YANG DIRAHMATI ALLAH SEKALIAN,

Antara kesimpulan daripada khutbah pada hari ini seperti berikut:

Pertama: Seorang suami berakhlak mulia mampu membentuk keluarga yang harmoni.

Kedua: Tanggungjawab suami merupakan amanah berat daripada Allah **سُبْحَانَهُ وَتَعَالَى**, sekiranya isteri ada melakukan kesilapan, tegurlah dan nasihatilah dengan penuh kasih sayang.

Ketiga: Kehidupan rumah tangga ada pasang surutnya hadapilah dengan akal fikiran yang waras dan jangan mengikut emosi.

Firman Allah **سُبْحَانَهُ وَتَعَالَى** dalam surah An-Nisa ayat 1:



أَعُوذُ بِاللَّهِ مِنَ الشَّيْطَانِ الرَّجِيمِ

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ
مِنْهُمَا رِجَالًا كَثِيرًا وَنِسَاءً وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ إِنَّ اللَّهَ كَانَ عَلَيْكُمْ

رَقِيبًا ①

Maksudnya: “Wahai sekalian manusia! Bertakwalah kepada Tuhan kamu yang telah menjadikan kamu (bermula) dari diri yang satu (Adam) dan yang menjadikan daripada (Adam) itu pasangannya (isterinya Hawa) dan juga yang membiakkan dari keduanya zuriat keturunan lelaki dan perempuan yang ramai dan bertakwalah kepada Allah yang kamu selalu meminta dengan menyebut-nyebut nama-Nya, serta peliharalah hubungan (silaturrahim) kaum kerabat; kerana sesungguhnya Allah sentiasa memerhati (mengawasi) kamu.”

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي
هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ
اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ
الْغَفُورُ الرَّحِيمُ.





خطبة كدوا بولن نوفمبر

2022M/ 1444H

الْحَمْدُ لِلَّهِ عَلَىٰ آلَائِهِ وَإِحْسَانِهِ، وَالشُّكْرُ لَهُ عَلَىٰ تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَىٰ رِضْوَانِهِ.
صَلَّى اللَّهُ وَسَلَّم عَلَىٰ سَيِّدِنَا مُحَمَّدٍ وَعَلَىٰ آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبِّكُمْ حَقَّ تَقَاتِهِ، وَاَعْمَلُوا بِطَاعَتِهِ وَمَرْضَاتِهِ،
ثُمَّ اَعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ وَسَلَّم عَلَىٰ عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنِ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَىٰ صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibn Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَن سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِن سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Bersama-sama kita sumbangkan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan. Semoga infaq yang dihulurkan menjadi saham yang berkekalan manfaatnya, di dunia dan akhirat.



Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam golongan yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠١﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَىٰ نِعْمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٠٢﴾

